



ULihle noLwandle ekwindla

Sara Mohale

Busisiwe Ndlovu





ULihle noLwandle batyelele kwifama kaMakhulu wabo eVhembe.

Olu lutyelelo lwabo lokuqala.

Bavuka besiva izandi abangaziqhelanga zingaphandle kwefestile!




Ezi ntombi ziyabulisa zisithi, “Molo Makhulu. Yingxolo yantoni le?”

UMakhulu uyahleka aze athi, “Molweni! Ngumqhagi lowo, uyasivusa ukuze senze imisebenzi yasefama.”



UMakhulu uthi, “Kusemnyama phandle, kodwa ixesha lihambile. Ekwindla ilanga iphuma kade lize litshone kwangoko kunasehlotyeni.”



UMakhulu uyaqhubeka esithi, “Ekwindla kuyaqalisa ukubanda kodwa akubandi njengasebusika.”

ULwandle uyavuma esithi, “Asikazidingi izinxibo zethu zasebusika.”



UMakhulu uthi, “Ekwindla niza kubona izityalo ezininzi zitshintsha umbala zize ziqalise ukoma. Sesiza kugqiba ukuvuna.”



“Ekwindla kule fama sivuna iimbotyi, ikhaphetshu, ikholiflawa nespinatshi,” uyacacisa uMakhulu.

Uphinda athi, “Ebusuku isidlo sethu sangokuhlwa sizakuba nemifuno ekhiwe apha kule fama.”



ULihle uthi, “Endaweni yokusoloko sithenga imifuno, nathi sifuna ukuyityala apha ekhaya, hayi edolophini.”

“Licebo elihle elo! Ndiza kunifundisa,” utsho ethembisa uMakhulu.



ULwandle ubuza esithi, “Makhulu, uyazityala iziqhamo? Esona ndisithandayo yivatala!”

UMakhulu uyahleka esithi, “Sigqiba kuvuna iivatala ezininzi ezinencasa!”



“Ekwindla, izilwanyana ezizelwe okanye eziqanduselwe entwasahlobo sezikhulile, ibe ezinye siyazithengisa.

Kwizilwanyana zethu sifumana ubisi, amaqanda nenyama,” utsho ngebhongo uMakhulu.



UMakhulu uyancuma aze athi, “Siza kutya amaqanda amatsha ekuseni size sisebenze kwigadi yemifuno.”

ULihle noLwandle bayakuvuyela ukusebenza egadini noMakhulu!

—Imibuzo

1. Ekwindla, loluphi utshintsho olwenzekayo:
 - kwizityalo?
 - kumaqondo obushushu?
2. Ekuphumeni nasekutshoneni kwelanga
 - kwizilwanyana?
 - kwenzeka ntoni kwifama kaMakhulu ngeli xesha lonyaka?
3. Kwindawo ohlala kuyo, ixesha lasekwindla liyafana okanye lahlukile kweli likweli bali? Cacisa.
4. Zeziphi izakhono anokuzifunda la mantombazana kuMakhulu?



Ulwazi Lwethu is a Zenex Foundation funded and initiated project to develop a series of graded and leisure African language readers and teacher support materials. This project is targeted at teaching and supporting learners in the Foundation Phase to improve their home language reading and understanding. The readers have been originated in nine African languages in collaboration with Molteno Institute for Language and Literacies, Nelson Mandela Institute for Education and Rural Development, Room to Read South Africa, and Saide. All resources are developed as Open Education Resources (OER).



Your attribution should include the following:

Title: ULihle noLwandle ekwindla

Author/s: Sara Mohale

Translator/s: Sinazo Mgobozi, Bukeka Mahlangabeza

Illustrator/s: Busisiwe Ndlovu

Assurer/s: Angelinah Dazela

Language: isiXhosa



© Zenex Foundation - Saide 2023

CC BY includes the following elements:

BY  - Credit must be given to the creator

